

BIOGRAFIJA

Rođen sam 18.03.1980. godine u Gračanici, gdje sam završio osnovnu školu i gimnaziju, sve razrede sa prosječnom ocjenom 5,0, a takođe sam tokom čitavog školovanja, i osnovnog i gimnazijskog, bio učenik generacije. Od 8. razreda osnovne škole do kraja gimnazije učestvovao sam na takmičenjima iz matematike i fizike, gdje sam osvajao **prva** mjesta na svim nivoima takmičenja, od opštinskog do **državnog**. U 2., 3. i 4. razredu gimnazije, bio sam učesnik **Međunarodnih matematičkih olimpijada** koje su se održavale redom u Bombaju (Indija) 1996. godine, Mar del Plata (Argentina) 1997. godine, Tai Peh (Taiwan) 1998. godine, a na ovoj posljednjoj osvojio sam **Bronzanu medalju**. Nakon završene gimnazije upisao sam Prirodno matematički fakultet u Sarajevu, na Odsjeku za matematiku, smjer Matematika i teorijska kompjuterska nauka, školske 1998/99 godine, gdje sam diplomirao 17.04.2003. sa ocjenom 10 (deset), i stekao visoku stručnu spremu i stručni naziv diplomiranog matematičara-informatičara. Moj prosjek ocjena četverogodišnjeg studija je 9,92. Na završnoj godini studija učestvovao sam na **Studentskoj informatičkoj olimpijadi** za Jugo-istočnu Europu, što je bilo prvo učešće naše države na ovim olimpijadama. Takođe, na završnoj godini studija dodijeljena mi je **Diploma najboljeg studenta generacije** na PMF Sarajevo. Odmah, po okončanju studija, upisao sam **postdiplomski studij na Prirodnomatematičkom fakultetu, Odsjek za matematiku, studij primjenjene matematike i informatike**, koji sam uspješno završio 20.02.2009. godine kad sam magistrirao na temu „**Dimenzioniranje i optimizacija prstenaste mreže telekomunikacionih prenosnih sistema (Ring-Star problem) pomoću Ant Colony algoritma**“ sa prosječnom ocjenom 10,00. Na istom ovom fakultetu radim kao spoljni saradnik – asistent na više predmeta.

Kao stipendista JP ELEKTROPRIVREDA, 02.06.2003. godine sam u istoj zasnovao radni odnos i raspoređen sam u službama pri generalnom direktoru, Sektor za poslovni-informativni sistem, na poslovima stručnog saradnika, gdje sam ostao do 08.01.2006. godine, kada sam prešao u DD BH TELECOM, i raspoređen sam takođe u službama pri generalnom direktoru, centar za poslovnu podršku - biling centar, na poslove stručnog saradnika III kategorije. Od 01.03.2010. godine sam prešao u Direkciju BH Line, Sektor za servise, Služba za razvoj multimedije, gdje trenutno obavljam poslove stručnog saradnika za razvoj i implementaciju multimedijalnih servisa.

U septembru i oktobru 2004. godine sam, kao **član projekta UNESCO-a i HP-a „za sprečavanje odljeva mozgova sa Balkana“**, na tu temu, prisustvovao predavanjima u Hrvatskoj (Dubrovnik) i SAD-u (Rhode Island), gdje sam stekao dragocjena iskustva.

Kao lider ekipe Bosne i Hercegovine, vodo sam istu na juniorska balkanska matematička takmičenja (JBMO) 2006. godine u Moldaviju, 2007. godine u Bugarsku, 2008. godine u Albaniju, 2009. godine u Bosnu i Hercegovinu, 2010. godine u Rumuniju, i 2011. godine na Kipar.

Datum, 20.09.2011. godine

mr. Letić Vedad, dipl. mat.-inform.
